

پیل : ۱

جلد : ۲

رسالہ

خالد

ناشری : تورکن پبلکی ورکی

مدیرعی : جمال سام

آیدہ برجیقار

حزیران، ۱۳۳۰

بوصاییدہ

محمد امین

عرقک تورکوسی

رضا توفیق

فلسفہ عمومیه مدخل

لطیف

دارلفنون خارجندہ کی
علمی مؤسسہ

اوقتای قآن


هندستاندہ تورکک (رسمی)

احمد ذکی ولیدی

ان خلدون نظرنده اسلام
حکومتلریک استقبالی

علی مختار

بر معادلہ اقتصادیه



فیئانی : بش غروش

مطبعہ عامرہ
انتبولہ

دار الفنون خارجه کی علمی مؤسسه لر

تجربیات عالیہ تجاریہ مکتبی - عملی تجارت و صنایع مکتب عالیہ - تجارت انسٹیٹیوٹ

بو اوج مؤسسه دن برنجیسی تشبثات عظیمه تجاریه و صناعیه یی ، بانقا معاملاتنی اداره ایدہ جک صاحب اختصاص آداملر، ایکنجیسی تجارت اولری، فابریقالر و بانقالر ایچین مأمورلر یتیشدیریر . اوچنجهیسنندن بالخاصه اخراجات تجارتنه واقف اصحاب اختصاص نشئت ایدہر. تجارت انسٹیوتوسنک لیوہر پولده بر شعبه سی ده وارددر .

معادن مکتبی

مکتب ۱۷۷۸ ده تأسیس اولونمشدر. معادن مأمورلری ، مهندسلری و عامللری بوراده اکمال تحصیل ایدہرلر. اعمال معادنہ متعلق زنکین قوللکسیونلری و بر کتبخانه سی وارددر .

درس لر :

معدنیات - مستحاثات - طبقات الارض - اخراج و استثمار معادن - طبقات الارض تطبیقاتی - ما کینه لر و ما کینالرک استعمالی - شمند و فرلر - انشآت و مواد انشائیہ نک مقاومتی - الکتریکک صنایعه تطبیقی - معلومات قانونیه - اقتصاد صناعی - مستحاثات نباتیه - طوپوغرافیا - علم الاحجار - صناعی حفظ صحت - آلمانجه - اینکیلیرجه .

مکتب غایت قیمتدار معدنیات و مستحاثات قوللکسیونلرینه مالکدر. مکتبه پولیتکینیک مکتب عالیسنک معدن مهندسی شعبه سندن شهادتنامه آلانلر ایله بالفعل اون ایکی آی معدن مهندسی معاونلکنده بولونمش اولان کنجیلر قبول اولونور. بونا اجنیلر آنجاق منسوب اولدقلری سفیرک توصیه سیله و بر امتحان نتیجه سنده قبول ایدیله بیلیرلر. مدیر بعضی درس لره سامع قبول ایتمک صلاحیتنی حازدر . مدت تحصیل اوج سنه در . مدت تحصیلک ختامنده

اجرا قیلینان امتحانلرده موفق اولانلره معدن مهندسی شهادتنامه سی ویریلیر .
آلدقلى نوطلر شهادتنامه اکتسابنه کافی اولمايان طلبه یه ده بردوام تصدیقنامه سی
اعطا اولونور . سنوی اجرت تحصیلیه بش یوز فرانقدر . مکتبک جهانشمول
بر شهرت عظیمه سی وارددر .

طرق و معابر مکتب ملیسی

بومکتب طرق و معابر مهندسلری یتیشدیرمک اوزره ۱۷۴۷ .
تأسیس اولونمشدر .

درس لر :

انشاآت اصول عمومیه سی — عادى یوللر و شوسه اوزرنده ده میریوللر —
کوپرولر — ده میریوللری — نهرلرده سیرسفائن — لیمانلر — اُبنیه امیریہ معماریسی —
میخانیک تطبیقاتی — معدنیات و طبقات الارض — یخار ما کینالری — الکتریک
تطبیقاتی — اساله میاه علمنک زراعتده و احتیاجات بلدیهدده تطبیقاتی — حقوق
اداره — اقتصاداداری — اقتصاداجتماعی — انشاآت و موادانشائیہ — استحکامات —
ترسیمات انشائیہ — الکتریک — آلمانجه — اینگیلیزجه .
طرق و معابر مکتبی پولیتکنیک مکتبنک طرق و معابر مهندسلکی شعبه سندن
شهادتنامه آلانلری و آلتی سنه بالفعل مهندس معاونلکننده بولونوب مسابقه ده
موفق اولانلری قبول ایددر .

أجنبی طلبه مکتبده بوش یر بولونمق و منسوب اولدقلى دولتك سفیری
طرفندن توصیه ایدیلک شرطلریله یا طلبه اصلیه و یا خود اجنبی مأمور صفتیه
قبول اولونورلر .

تحصیل مجانیدر . مدتی اوچ سنه در . طلبه أجنبییه صوك سنه امتحانلرنده
قازاندقلى نوطلره کوره یا مهندس شهادتنامه سی و یا خود بر تصدیقنامه آلیرلر .

شهرامانتنک فیزیو و کیمیای صنایعی مکتبی

بو مکتب صنایعده فیزیق و کیمیایک تطبیقنى کنجلره ئوکره تمک

و بصورتہ معلومات واسعہ صاحبی لابوراتوار شہ فہری و یافا بریقا عملہ باشیلری
یتیشدیر مک مقصدیلہ تأسیس اولونمشدر .

مکتبہ باشلیجہ تدریس اولونان علوم فیزیق و کیمیادان عبارت بولوندیغی
جهتله تطبیقات و عملیاتہ پک بویوک بر انبساط ویریلمشدر . اجنبی طلبہ قبول
اولونما مقده در .

پارس شهرینک تاریخی مکتبی

بو مکتب پارس شهرینک بدایت تأسیسندن زمان حاضرہ قادار کچیرمش
اولدینی ادوار وصفحات تاریخیہ حقندہ معلومات ویریر . بری عمومی و سربست
ودیکری مقید اولان طلبہ اصلیه منحصرا یکی درس واردر .
مکتبہ ہر سنے حزیراندن تشرین اولہ قادار پارسک تاریخنہ متعلق بر مشہر
کشاد اولونور .

خستہ خانہ لر شرح آنفی تیاریوسی

بو مؤسسہ فرانسر واجنبی اطبانک، فاکولتہ و دیشجیلک مکتبی طلبہ سنک
وبالخاصہ پارس خستہ خانہ لرینہ دوام ایدن لیلی ونہاریلرک توسیع معلومات
ایتمہ لر و ہر دورلو عملیاتک تطبیقاتنہ آیشدیریلارلی مقصدیلہ احداث اولونمشدر .
تدریسات اوچ قسمة منقسمدر : ۱ - تشریح، ۲ - اوپراتورلک، ۳ - تشریح
مرضی و باقتہ ریولوژی .

طب فاکولتہ سی ہر سنے مکتبہ توسیع معلومات واکتساب تجربہ ایتک
اوزرہ یوز الی طلبہ سنی یوللار . دیشجی مکتبلری دہ ایک یوز طلبہ سنی
« ستازہ یہر » صفتیلہ آنفی تیاریویہ دوام ایتک مجبورطوتار .

اوپراتورلک درسلی یاز « سومہ ستر » ندہ ویریلیر . بر معلم مخصوص قطع
اعضا و حقیقہ جیلق درسلی ویریر . خستہ خانہ لر اطباسندن بعضی متخصصلر
طرفندن قافا و بویون عملیاتی - مستعجل جراحلق - اعضای بولیہ - امراض

نسانیه — انبؤب هضمی عملیاتی درساری ویریلیر . بوندیدن باشقا بر تشریح مرضی درسی ایله نظری و عملی باقته ریولوژی درساری اعطا اولونور .

**

صوبونك خارچنده اولارق شیمدی یه قادار صایدیغمز مکاتب عالیہ معین بر پروغرام ایله مسالك مخصوصه یه منسوب ذواتك توسیع معلومات ایتمه لرینه خادم اولوب حکومتك دوغروندن دوغرویه تحت اداره سنده بولونور و مصرفلری عمومی بودجه دن تسویه اولونور .

بومکتبلردن باشقادیکر بر صنف مؤسسات علمیہ واردر که حکومتك معاونت مخصوصه سندن استفاده ایتمکه برابر یاسربست و غیر مقید بر صورتده تحریات علمیہ ایله مشغول اولور و یا خود مستقل بر هیئت علمیہ نك اداره و مراقبه سی آلتنده ایفای تدریسات ایدر لر . بومؤسسه لر دن بعضیلرینك عالم مدنیتده بر شهرت شایعه سی و علوم و فنونه بویوک خدمتلری واردر .

بومؤسسه لرك باشلیجه لری بونلردر :

- | | |
|--------------------------------------|--------------------------------------|
| ۱ — پاستور انستیتوسی | ۱۶ — پارس تدریسات طبیه جمعیتی مکتبی |
| ۲ — علوم سیاسیہ مکتبی | ۱۷ — تدریسات طبیه جمعیتك تعطیل |
| ۳ — علوم عالیة اجتماعیہ مکتبی | زمانه مخصوص درساری |
| ۴ — علوم اجتماعیہ قوه لری | ۱۸ — الکتریک مکتب عالیسی |
| ۵ — اجتماعیات موزه سی | ۱۹ — الکتریک و میخانیک صناعی مکتبی |
| ۶ — کاتب عدل مکتبی | ۲۰ — بره که مکتبی |
| ۷ — حقوق مسلکیه مکتبی | ۲۱ — سیاحت هوائیه و انشاآت میخا. |
| ۸ — پارس قاتولیک انستیتوسی | نیکیه مکتبی |
| ۹ — پارس پروتهستان انبیات فاکولته سی | ۲۲ — معماری مکتب مخصوصی |
| ۱۰ — اوقیانوسیات مکتبی | ۲۳ — فنون بحریه انستیتوسی |
| ۱۱ — بشریات مکتبی | ۲۴ — شولا قانتوروم |
| ۱۲ — مارهی انستیتوسی | ۲۵ — السنه حاضرہ مکتبی |
| ۱۳ — روحیات انستیتوسی | ۲۶ — اجنبیلره فرانسیزجه تعلیم ایتمکه |
| ۱۴ — روحیات و غریزیات انستیتوسی | مخصوص مکتب |
| ۱۵ — دیشجیلک مکتبلری | ۲۷ — قیزلره تدریسات تالیه مؤسسه سی . |

پاستور ئىنستىتوتى

بومشهور مؤسسە پارس علوم آقاده مىسنىك تشبىتى اوزرىنە يىن الملل جمع اولونان اعانات ايله ۱۸۸۵ سنەسندە كىشاد اولونمىشدر .

۱۴۸۹ سنەسندە جمع اولونان ايكىنجى براعانه مؤسسەنىك توسيعنه خدمت ايتدى . پاستور مؤسسەسى عىنى زمانده بر تحريات علميه مركزى ، علوم عاليه مدرسهسى و مؤسسەنىك دائرۋ اشتغالاتنه داخل اولان امراضك تداويسنه مخصوص برخستەخانەدر .

مؤسسە اوچ قىسمىدر : ۱ — باقتەريولوژى شعبەسى ، ۲ — تداوى بالمصل شعبەسى ، ۳ — كىمىيائى حياتى شعبەسى .

باقتەريولوژى شعبەسىنىك دىرت دائىرەسى واردىر : ۱ — تلقىح دائىرەسى ، [بودائىرەدە امراض مختلفه آشيلرى تجربە وتطيق اولونور .] ۲ — قودوز دائىرەسى [قودوزمىش حيوانلر طرفندن دالانمىش خستەلر ك تداويسنه مخصوصدر .] ۳ — تحريات لابوراتوارلرى دائىرەسى [بودائىرە مديرىنىك نظارت و معاونتىلە بر چوق علمانىك ذاتى تحريات علميەدە بولونمالرىنە مساعده اولونور .] ۴ — ميكروبيولوژى دائىرەسى [بودائىرەدە ميكروب علمنە دائىرسىندە دوقسان بش قونفرانس ويريلير . مراجعاتك كىرتنە مبنى انستىتو حق تقدمه رعايت ايتىك مجبوريتتە بولوندىغىدن بودائىرەدە دوام ايتىك آرزوسندە بولونانلر ك وقتىدن چوق مقدم مراجعتلە اسملرىنى قىد ايتدىرمەلرى مقتضيدىر .]

تداوى بالمصل دائىرسىندە امراض مختلفه ايچىن استعمال اولونان مصللر استحضار اولونور . بو دائىرەنىك غارشىدە آخىرلىرى واردىر . بو آخىرلردە اكتساب معافيت ايتدىرىلمىش وياخودايتدىرىلك اوزرە معاملە و مشاهدە آلتىدە بر چوق حيوانلر موجوددر .

كىمىيائى حياتى دائىرەسى — دىرت قىسمىدن مركىدر :

۱ — تدرىسات عاليه مكىتىنىك كىمىيائى حياتى لابوراتوارى .

۲ — اختمارات قىسمى [بورادە كىمىيانىك صنايعه تطبىقى تجربەلر يله اشتغال

اولونمىقدەدر .] ۳ — كىمىيائى زراعى قىسمى [بو قىسم حيات و امراض نباتات ايله مشغول

اولویور] ۴ — کیمیای حیاتی تدریساتی [بو علم ایله متوغل اولان ارباب صنایعه نظری درس لر ویریلیر و لاسو کر ابور اتو آرده تطبیقات یاپدیریلیر .]
 آنستیتویه پاستورک توغل ایتیش اولدیغی أمراضه مخصوص برده خسته خانه الحاق اولونمشدر .

علوم - یاسیه مکتبی

مکتبک پروغرامی مقتدر سیاسیلر ، مأمور لر یتشدیر مک مقصدیله ترتیب اولونمشدر . مکتبک تشکیلاتی طلبه تک دوغرو دن دوغرویه آتیده کی مسلک کرده اختصاص پیدا ایتملرینی تأمین ایدر : دیپلوماتلق — شورای دولت — اداره مرکزیه — مالیه و مستملکات مفتشکی — مسالک اقتصادی ، صناعیه و تجاریه .
 تدریسات ایکی سنه ده دور ایدیلک اوزره ترتیب ایدیلش ایسه ده مداومین اکثریا مدت تحصیل اوچ سنه یه چیقاریر لر . شهادتنامه آلانلره منحصر اولمق و برسنه دوام ایتک اوزره بر صنف مخصوص علاوه اولونمشدر .

بوراده درس وقوتفرانس لر بش شعبه در :

- ۱ — علوم اداریه شعبه سی ؛ ۲ — علوم مالیه و اقتصادی شعبه سی ؛
- ۳ — علوم اقتصادی و اجتماعی شعبه سی ؛ ۴ — علوم سیاسی شعبه ؛ ۵ — حقوق عمومی و تاریخ شعبه سی .

متعلمین دوام ایتدکلی شعبه تک درس لر دن هر سنه نهایتده بر امتحان کچیرمکه مکلفدر لر . شهادتنامه یی آلمق ایچین بر عمومی امتحان لازمدر . مکتب طلبه اصلیه و سامعین قبول ایدر . و هر ایکی نوع مداومین ایچین قبول امتحانی اولمادیغی کیبی بر کونه شهادتنامه و یا رتبه علمییه یی حائز اولمق ده مشروط ده کدر . اجنبی طلبه ده قبول اولونور . ایلك ایکی سنه تک اجرتی اوچ یوز آللی و اوچنجی صنف مخصوصک اجرتی ایکی یوز آللی فرانقدر . پروغراملری هر سنه احتیاجه کوره تعدیل و اصلاح اولونور . اک صوک پروغرامی شودر :

تدریسات عمومیہ :

فرانسہ نك پارلمنتو و تشریع تاریخی ، ۱۷۶۹ - ۱۹۱۱

آوروپانك تاریخ سیاسیسی ۱۷۱۳ - ۱۷۸۹

» ۱۸۵۶ - ۱۹۱۳

دیپلوماتاق و اصول دیپلوماسی

عصر حاضرده آوروپا و آوروپالیرك آوروپا خارجنده کی منافی، آوروپانك حقوق

أساسیہ سی تاریخی

سكه ، قره دی و مبادله

مقایسه قوانین مدنیہ

اقتصاد اجتماعی

عملایہ مخصوص قوانین

اصول صنایع و مسائل اقتصادیہ .

عصر حاضرده صنایع عظیمہ .

تجارت بورسہ لری و محصولات زراعیہ

معاملات تجاریہ سی

استاتیسٹیق اصول و عمیان

فرانسہ نك نروت عمومیہ سی و تابع

اولدینی تکالیف

محاسبہ و موازنہ یه متعلق معلومات

و تنقیدات

أجنبياره مخصوص قونفرانسلر

ألسنه أجنبيه : آلمانجه - اینکیلیزجه -

اسپانیولجه .

صنف مخصوص تدریساتی

علوم اداریہ شعبہ سی

شورای دولتک صلاحیت تشریعیہ سی

فرانسہ نك تشکیلات عدلیہ سی

تطبیقات قونفرانسلری

علوم اقتصادیہ و مالیہ شعبہ سی :

امور مالیة عمومیہ و تکالیفده اصلاحات

آمریقانك حال حاضری و آنغلو

ساقسون جمعیات جدیدہ سی

جغرافیای عمومی

علوم بحریة عسکریہ

حقوق بین الدول

حقوق بشر

آسیای شرقیده مسائل سیاسیہ

و اقتصادیہ

آفریقای فرانسوی و اقصای شرق

جو جغرافیاسی

فرانسہ ده و ممالك اجنبیه ده حیات

سیاسیہ و اداری تشکیلات

فرانسہ ده و مستملکاتده اداری حیات .

اقتصادی حیات و هیئت اداریه نك

و تأیغه سی

حقوق اسلامیہ

تونس مسائل

امور مالیة عمومیہ

فرانسہ نك بودجه اصول تشریعی

فرانسہ نك ویرکی اصول تشریعی ،

ره ژیلر .

فرانسہ ده اصول دفتری عمومی

ممالك أجنبيه امور مالیہ سی

اقتصادیات

اون دو قوزنجی عصرده آوروپاده

سوسیالیزم .

امور مالیة عمومیة و صوک سنه لرك
بودجه لری

روسیه ده و ممالک عثمانیه ده اداره
جدیده

تطبیقات قونفرانس لری

انکاتره نك حال حاضر سیاست

خارجیه سی

علوم سیاسیه و دیپلوماسیه شعبه سی :

فاس مسئله سی

آوروپاده اتفاقلر

تطبیقات قونفرانس لری .

حقوق بین الدول

علوم سیاسیه مکتبی هر نه قادر طلبه سنی بلا قید و شرط قبول ایتمکده ايسه ده یوقاریده تحلیل ایتدیکمز پروغرامک اهمیتتی جهتله مداوملرک بر مکتب عالیدن مأذون اولمالری لازمدر. فرانسز متعلملری همان یوزده یوز یا حقوق فاکولته سندن شهادتنامه آلمشلردر و یا خودفا کولته یه ده مداوم مأمور و یا دیپلومات نامزدلریدر.

علوم اجتماعیه مکتب عالیسی

بومکتبک تعقیب ایتدیکی مقصد علوم اجتماعیه نك تعمیمیدر .

تدریسات دورت شعبه یه توزیع اولونمشدر : ۱ - اخلاقیات ، فلسفیات و اصول تعلیم شعبه سی ؛ ۲ - اجتماعیات شعبه سی ؛ ۳ - صنایع شعبه سی ؛ ۴ - غزته جیلق و حیات عمومیة شعبه سی .

اوتوز فرانقلق بر اجرت تحصیلیه مقابلنده هر کس مکتبه دوام ایده بیلیر . معلمین و مکاتب عالیہ متعلمینی ایچین اجرت یاری یه تنزیل ایدیلیر .

مکتب بری بر شعبه یه منحصر دیکری تدریسات عمومیة یه مخصوص اولارق ایکی شهادتنامه اعطا ایدر . شعبه شهادتنامه سنی اکتساب ایتک ایچین متعلمک تألیف ایتمش اولدیغی بر محطره یی مواجهه عمومیة ده و بر هیئت امتحانیة حضورنده مدافعه ایتیه سی شرطدر . بری اجتماعیه عائد اولق اوزره ایکی شعبه نك شهادتنامه لرینی استحصال ایدنلره تدریسات عمومیة شهادتنامه سی بلا امتحان اعطا اولونور .

پروگراملر :

افزۇقىيات فلسفىيات و اصول تعليم شعبەسى

۱ اخلاقيات

اخلاقيات دينيه و اخلاقيات مدنيه .
أديانك جمعيت بشريه ايله اولان مناسباتنه دائر مطالعات عموميه .
فكر الوهيت .
دولتك كليسادن افتراقى مسئلهسى .
۱۹۱۳ سنهسى أديان قونغرەسى
حقنەده مجادلە .

۲ فلسفيات

ژان ژاق روسو .
استحاليه تاريخى .
دماغك فعاليت عقليه ايله اولان مناسباتى
حقنەده نظريات جديدە .

۳ اصول تعليم شعبەسى

تدريسات ابتدائيه و تاليەده اصول
ثبوتيه .

اجتماعيات شعبەسى

۱ تاريخ

مذاهب اجتماعيه
حقوق بشرك اعلانى .
مقاوله اجتماعيه .
اجتماعيات تاريخى

۲ سياسيات

آوروپاده مختاريت اداره تمايلاتى
آوروپاده زراع مسئلهسى
كنج توركيه اصلاحاتى
ايرلاندا مختارىتى - Home-rule

آلساسليلر

۳ سياسى هفته

مسائل روزمره، فرانسه نك سياست
داخليهسى

دول معظمه سياستى
۴ جوغرافيا تاريخ و تنقيد
قونفرانسلىر .

۵ افكار تجاريه ماليه و صنايعيه

آلمانيانك تشكيلات ماليهسى

بلاواسطه رژيلىر

هائله و مضحكه نك صحنه ترتيباتى

مجاهدە اشغال

غلاى أسعار و أسبابى

سرمایه دارلىك و عماره لرك سنديقا

تشكيلاتى و شرائط قانونيهسى

قادين سنديقالر و مختلط سنديقالر .

۶ تنوير افكار و سائلى

عصر حاضرده كتبخانه لرك اهميت

ووظيفهسى

فرانسه كتبخانه لرى

ممالك أجنبيه كتبخانه لرى

مسائل عموميه .

صنایع عالىہ شعبەسى

آ صنایع مجسمه

اسپانيا صنایع بديعهسى

عصر حاضر صنایع تزئينيهسى

لومبارديا هيكل تراشيلىسى

آلساس صنایعى

ج ادبیات

ب صنایع موسیقیہ

اسپانیادہ بدایتدن رومانیزم دورینہ
قادر ادبیات
فرانسہ دہ شکسپر آثارینک تمثیلی
تیاترو
روسیه تیاتروسی
فرانسز اشعارندہ لاتین تأثیراتی
دانتہنک اشعارى .

تحلیل موسیقی
اون یدنجی عصر آلمان موسیقیدسی
دوردنجی هانریدن اون اوچنجی
لوئی یه قادر سرای قرالیدہ موسیقی
la prosodie musicale
et la declamatio lyrique.
قونسرلر

غزته جیلک شعبہ سی

غزته جینک تربیة اجتماعیہ سی
غزته جیلک صنعتنه دائر معلومات
غزته جینک تربیة حقوقیہ سی
عصر حاضر غزته سی
غزته جیلک تاریخی

غزته جینک تربیة سیاسیہ سی
غزته جینک تربیة تاریخیہ سی
غزته جیلکده بویوک تحقیقات
غزته دہ نشریات
غزته جیلکده عملی اصوللر .
بوکون بر غزته ناصل طبع اولونور ؟

عمومی هیاتہ حاضر لائمی

صنعت خطابت تاریخی
بعض خطبا حقندہ تتبعات ، اصول خطابت
انشاد درسلی .

مواجهه عمومیه دہ ایراد نطق حقندہ عملی درسار
عصر حاضر خطیبی - بر خطابه نك صورت استحضاری
مسائل تشریعیہ
مسائل بلدیہ
مسائل شغلیہ

علوم اجتماعیه قولہ زی

بو مؤسسہ دہ اجتماعیاتک اک متنوع وحتی بربرینہ مخالف مذاہبی مذاہب
مذکورہ بی تمثیل ایدہ نلر طرفندن کمال سربستی ایله تعلیم وتلقین ایدلمکده در.

تدریسات بش قسمہ تقسیم اولونمشد :

۱ — معلومات تاریخیہ و تعریفات اساسیہ

۲ — نظریات و اصول

۳ — تطبیقات عملیہ

۴ — قوانین و اصول

۵ — مؤسسات اجتماعیہ ریارت و سیاحتلر .

بو بش قسمہ داخل اولان درسلر غایت مشوع و استفادہ بخشدر . جملہ سنی درج ایتکہ مقالہ مزک تحمیلی اولمادیخی جهتله مثال اولارق بعضلرینی ذکر ایتکہ اکتفا ایدیورز :

جماہیر متفقہ آمریقاده قوانین شغلیہ ،

آلمانیاده صنایع مختلفہ تدریساتی

مأمورینک تأمین حقوقہ عائد قوانین

أدبیاتک نفوذ اجتماعی

أدبیاتک احوال اجتماعیہ تأثیری و علوم ایله مناسباتی

حفظ الصحتہ اجتماعی

اجتماعیات نقطہ نظرندن مجانبین

عملہ عائلہ سنک مصارفی

بر تقاعد صاندیغنک تأسیس و ادارہ سی

تکامل اجتماعیہ والدہ لر و قیزلر

فرانسه و ممالک أجنبيہ ده تشبثات بلدیہ

قادینلرک انتخاباته اشتراکی مسئلہ سی .

اجتماعیات موزہ سی

بوموزده عملہ نک وسائر مساعی اصحابنک احوال مادیہ و معنویہ سنی اصلاح ایتکہ خادم مؤسسات و تشکیلات اجتماعیہ عائدہر دورلو و ثائق ، پلانلر ، مودہلر و نظامنامہ لری أنظار عمومیہ یه وضع ایدیلمشد . بوندن باشقا هر قیش موسمنده

بر سنہ ظرفندہ تکون ایتش و موزہ یہ منسوب اصحاب اختصاص معرفتیہ محلندہ
تدقیق ایدیش اولان اجتماعی حادثہ ووقعہ لرہ دائر ایکی صیرا قونفرانس ترتیب
اولونمقدہ در .

موزہ بونک ایچین موظف مرخصلرده اعزام ایدہ در .
موزہ نک مسائل اقتصادی و اجتماعیہ دن باحث کتابلری غزتلری رسائل
موقوتہ نی محتوی و هرکسہ آچیق بر کتبخانہ سی وارد در .

کاتب عمل مکتبی

مدن حیاتده کاتب عدلک غایت مهم بر موقعی وارد در . بو وظیفہ نی صورت
لایقہده ایفا ایدہ بیلیمک عملی و نظری معلومات و تجاربه مالک اولمغه متوقفدر .
اشبو مکتبک وظیفہ سی کاتب عدل اولمق نیتیله حقوق فا کولتہ سنہ دوام
ایدن متعلملره مسالک متعلق معلومات واسعه ویرہ کدر .
مکتبک مدت تحصیلیہ سی ایکی سنہ در .

معلومات موقوتہ علمیہ مکتبی

بو مکتبده تجاری ، مالی و صناعی مؤسساتده اداره مأمورلنی ایدہ جک
کنجبلره مسالکریہ دائر معلومات حقوقیہ تدریس و تلقین ایدیلکده در .

قانونلک انستیتوسی و پروتستانه علوم دینیہ فا کولتہ سی

قتولیک انستیتوسی بر مؤسسہ دینیہ در . مختلف شعباتہ تقسیم اولونمشدر .

۱ — علوم دینیہ ، کلیسا قانونی و فلسفہ فا کولتہ لری

۲ — حقوق فا کولتہ سی

۳ — علوم عالیہ ادبیہ مکتبی

۴ — تدریسات عالیہ فنیہ مکتبی

پروتستان علوم دینیہ فا کولتہ سی فرانسه پروتستان جماعتک تحت اداره

و حمایہ سنده بر مؤسسہ دینیہ در .

اوقیانوسیات انسیتوسی

مونا قوپرنسی طرفندن تشکیل اولونمش اولان بومؤسسہ علمیہ اوقیانوسیاته
تعلق ایدن تحریات علمیہیه وسعت و انکشاف ویرمک مقصدینی تعقیب
ایتمکده در . مونا قوده بر موزه سی ده وارد در .

پارسده بولونان انسیتوده تدریس اولونان علوم اوچ قسمه آیریلشدر .

۱ — اوقیانوسیات حکمیہ

۲ — اوقیانوسیات حیاتیہ

۳ — حیوانات بحریه نك احوال حیاتیہ سی .

لطیفی

